



国家清史编纂委员会·档案丛刊

清代中南海档案

政务活动卷十

10

国家清史编纂委员会·档案丛刊

清代中南海档案

10

政务活动
卷十

中国第一历史档案馆编
西苑出版社

数字档案馆
PDF

第十册 目录

政务活动卷(十)

光绪(十六年十月——十七年十二月)

光绪十六年十月

十一月

十二月

一

五一

一

光绪十七年正月

三月

七月

八月

九月

十月

十一月

十二月

一六二

一八二

二四

二四八

二八八

三三四

三七

四三二

光緒十六年歲次庚寅十月初一日丁酉 卯刻

上詣

太廟行禮

先期齋戒三日

駕還養心殿 巳刻

詣 儀鸞殿

慈禧端佑康頤昭豫莊誠壽恭欽獻皇太后前請安

午刻

奉

皇太后幸純一齋侍晚膳看戲戲畢

駕還養心殿

內閣奉

諭旨福建建甯鎮總兵員缺著羅大春補授又奉

諭旨劉銘傳奏總兵在營積勞病故懇恩優卹一摺福建建甯鎮總兵蘇得勝於咸豐年間投効軍營轉戰

江蘇浙江山東湖北等省迭著戰功洊保記名提督
旋經劉銘傳調赴台灣剿辦生番深資得力遽以感
受瘴氣在營病故蘇得勝著加恩照提督軍營積勞
病故例從優議卹准其於台北府城建立專祠入祀
原籍及立功地方昭忠祠生平戰績宣副國史館立
傳以彰勞勩伊妻徐氏絕食殉節准其旌表該衙門
知道

初二日戊戌

上詣儀鸞殿

慈禧端佑康頤昭豫莊誠壽恭欽獻皇太后前請安

內閣奉

諭旨敬信汪鳴鑾奏查辦事件遵旨覆奏一摺前據都察院奏福建台灣布政使于蔭霖以辦糶啟衅奸商朋謀構陷大吏覆奏不實等詞赴該衙門呈訴當經

諭令敬信汪鳴鑾馳驛前往吉林查辦茲據查明覆
奏此案伯都訥廳於光緒十四年秋收款簿該廳鄉
民呈報災狀已在一月將軍長順借撥公款俾作賑
需且吉林因災蠲緩賑濟各節曾經先後陳奏六次
伯都訥廳即在其內並非諱災不奏該廳貸捐一項
向係奏定儘徵儘解自光緒九年以後由紳士代收
代解賑目出入弊竇甚多于蔭霖所呈本屬包蘆以

餘款津貼書院各費並無其事學田一項歸入于蔭
霖家所設天德裕號經管並有侵占欺隱情弊于蔭
霖所呈天德裕與書院另有交涉等語均係虛歸之
詞換兌憑帖一項貧民受累甚多于蔭霖家各舖所
出憑帖積弊尤甚上年四月該將軍諭禁後並不遵
辦于鍾霖復有素服出入衙署條陳錢法假公濟私
情事其運貨車輛輒用官銜旗號雖無漏稅確據殊屬

不知遠嫌以上各節均經敬信等提集卷宗人證確
切查明已革編修于鍾霖既查有干預公事與民爭
利情事業經革職均毋庸議已革貢生蕭德馨中書
銜谷蘭芳貢生張朝翰舉人王文珊增生楊光黼附
生于芳懷陳文俊附貢生楊振聲候選同知衣珮璋
查與長順原叅相符業經斥革亦毋庸議蕭德馨等
挪用公款衣珮璋私借款項均著勒限完交照例辦

理前福建台灣布政使于蔭霖兄弟親族干預公事
罔利營私平日不能戒阻釐捐學田換兌等事情弊
顯然輒於奉旨懲辦之後捏辭申辯希圖朦混實屬
咎無可辭于蔭霖著交部議處吉林將軍長順於飭
查事件雖尚認真辦理惟於于蔭霖倡辦平糶結怨
商民未能據實查奏意在聯絡官紳公事每多遷就
亦有應得之咎著交部議處前署伯都訥廳同知孫

逢源雖無匿災情事惟於屬境歉收並不覆查詳報
亦屬不合並著交部議處委員府經歷黃熾查無勾
串朋謀各情幕友秋桐豫朱望亦無擅收納賄賂惠事
通証據均毋庸置議餘著照所議辦理該部知道

初三日己亥

上詣 儀鸞殿

慈禧端佑康頤昭豫莊誠壽恭欽獻皇太后前請安

辰刻

詣 紫光閣

閱視武進士馬步箭畢

駕還養心殿

初四日庚子

上詣儀鸞殿

慈禧端佑康頤昭豫莊誠壽恭欽獻皇太后前請安

辰刻

詣景運門外箭亭

閱視武進士弓刀石畢

陞乾清宮由兵部帶領武進士等引

見畢

駕還養心殿

初五日辛丑

上詣儀鸞殿

慈禧端佑康頤昭豫莊誠壽恭欽獻皇太后前請安

陞太和殿傳臚

駕還養心殿

內閣奉

諭旨甘肅蘭州道員缺著黃雲補授又奉

諭旨湖北漢黃德道員缺著孔慶輔補授又奉

諭旨本日殿試中式武舉弓刀石內掇石錯誤之浙江

賈應庚著罰停殿試一科所有原圍監射較射之大

臣覆試之王大臣均著免其置議